

Na osnovu člana 24., a u vezi sa članom 64. stav 1. tačka 11. Statuta Sindikata radnika u zdravstvu u Kantonu Sarajevo, Glavni odbor Sindikata radnika u zdravstvu u Kantonu Sarajevo, na sjednici održanoj 16.02.2016. godine, donosi

**ODLUKU**  
**o uslovima i načinu dodjele jednokratne novčane pomoći članovima**  
**Sindikata radnika u zdravstvu u Kantonu Sarajevo**

**Član 1.**

Ovom Odlukom utvrđuju se uslovi i način dodjele jednokratne novčane pomoći članovima Sindikata radnika u zdravstvu u Kantonu Sarajevo (u daljem tekstu: Sindikat) kod kojih je dijagnosticirano maligno oboljenje.

**Član 2.**

Novčana pomoć po ovoj Odluci može se dodjeliti članovima Sindikata koji su najmanje šest mjeseci članovi Sindikata, i to:

- za liječenje različitih malignih oboljenja, a na osnovu medicinske dokumentacije nadležne zdravstvene ustanove,
- za nabavku lijekova koji se koriste za liječenje bolesti iz prethodne alineje ovog člana, a koji se ne nalaze na esencijalnoj listi lijekova Kantona Sarajevo i Federacije Bosne i Hercegovine i čija cijena prelazi iznos od 100,00 KM po jedinici, a na osnovu preporuke ljekara za korištenje lijeka za koji se traži pomoć i
- za participiranje u troškovima liječenja malignih oboljenja u inostranstvu, a na osnovu preporuke nadležne medicinske ustanove.

**Član 3.**

Pomoć se ostvaruje na osnovu zahtjeva za dodjelu jednokratne novčane pomoći i pripadajuće dokumentacije kojom se dokazuje postojanje uslova za ostvarivanje pomoći po ovoj Odluci.

Dokumentaciju iz stava 1. ovog člana čine:

- dokaz o vremenskom periodu članstva u Sindikatu (potvrda osnovne sindikalne organizacije),
- liječnička dokumentacija i
- naziv banke i tekući broj računa podnosioca zahtjeva.

**Član 4.**

Zahtjev za dodjelu novčane pomoći po ovoj Odluci podnosi se Glavnom odboru Sindikata (u daljem tekstu: Glavni odbor) putem osnovne sindikalne organizacije u kojoj je član Sindikata učlanjen kao zaposlenik javne ustanove zdravstvene djelatnosti ili zaposlenik srodne i povezane djelatnosti sa zdravstvom.

Odluku o dodjeli novčane pomoći u skladu sa ovom Odlukom donosi Glavni odbor na prvoj narednoj sjednici nakon prijema zahtjeva iz stava 1. ovog člana.

**Član 5.**

Novčana pomoć po ovoj Odluci utvrđuje se u visini od 300,00 KM i može istom licu biti dodjeljena samo jednom u toku jedne budžetske godine.

**Član 6.**

Uplata odobrene novčane pomoći vršiće se na tekući račun člana Sindikata.

**Član 7.**

Za realizaciju ove Odluke obezbjeđuju se sredstva Sindikata prikupljenja od sindikalne članarine.

**Član 8.**

Glavni odbor je dužan svake godine podnijeti Nadzornom odboru Sindikata Izvještaj o dodjeli jednokratne novčane pomoći članovima Sindikata kod kojih je dijagnosticirano maligno oboljenje.

**Član 9.**

Izrazi koji se u ovoj Odluci koriste za osobe u muškom rodu su neutralni i odnose se na muške i ženske osobe.

**Član 10.**

Ova Odluka stupa na snagu danom donošenja.

Broj: 64/16  
Sarajevo, 16.02.2016. godine

